



تلخيص المحاضرة الثانية

تلخيص المحاضرة الثانية

الحمد لله وأشهد أن لا إله إلا الله وحده لا شريك له وأشهد أن محمداً عبده ورسوله صلى الله عليه وسلم أما بعد:

{وَفِي السَّمَاءِ رِزْقُكُمْ وَمَا تُوعَدُونَ (٢٢)}

فيها قولين:

القول الأول: يعني تدبير الأرزاق في السماء عند الله سبحانه وتعالى، {وَمَا تُوعَدُونَ (٢٢)} يعني ما توعدون من الجزاء والحساب وهو من الرزق وتدبير الأمر.

الله سبحانه وتعالى غالب على أمره إذا أراد لك رزقاً سيسوقه إليك!!

القول الثاني: أي المطر لأنك أنت لو تأملت هتجد إن جميع الأرزاق في الحقيقة تعود للمطر يعني الأرزاق سواء الطعام الشراب الأنعام الحياة كلها مبنية على نزول المطر.

{قَرَبَ السَّمَاءِ وَالْأَرْضِ إِنَّهُ لَحَقٌّ مِّثْلَ مَا أَنَّكُمْ تَنْطِفُونَ (٢٣)}

قصة إبراهيم عليه السلام مرتبطة بالسورة ببابين:

الباب الأول: أن مثال لشخص آمن بالبعث وكان تقياً نقياً وبيان عاقبة إبراهيم عليه السلام وعاقبة لوط عليه السلام وعاقبة قوم لوط اللي هم كذبوا به وكذبوا بالبعث.. فده ارتباط بالمعنى الأساسي للسورة وهو نموذج على شخص آمن ثم بعد ذلك نماذج الأمم كذبت، وكأنه عبرة للعرب.

الباب الثاني: الـ هي ليها علاقة {وَفِي السَّمَاءِ رِزْقُكُمْ} وهي قصة أن إبراهيم عليه السلام رزق بإسحاق من بعد إسماعيل وكان ولادة إسحاق ولادة عجيبة يعني رزق من الله فعلاً لم يمنعه مانع كل الأسباب بتقول مينفعش يبقى فيه إسحاق بأي شكل من الأشكال وإذا بإرادة الله سبحانه وتعالى تغلب وده مثال على قوله تعالى:

{وَفِي السَّمَاءِ رِزْقُكُمْ وَمَا تُوعَدُونَ (٢٢)}

المرأة لما سمعت:

{قَالُوا لَا تَخَفْ وَبَشِّرُوهُ بَعْلُكُمْ عَلِيمٌ (28) فَأَقْبَلَتْ أَمْرًا فِي صَرَّةٍ فَصَكَّتْ وَجْهَهَا وَقَالَتْ عَجُوزٌ عَقِيمٌ (29) قَالُوا كَذَلِكَ قَالَ رَبُّكِ إِنَّهُ هُوَ الْحَكِيمُ الْعَلِيمُ (30)}

وبالتالي ده نموذج على أن الله سبحانه وتعالى إذا أراد أن يرزق العبد رزق فلا يمكن أن يمنعه مانع

وأن رزق الله سبحانه وتعالى لا يمنعه أحد وإذا كتب الله لعبده رزق فمفيش حاجة هتقف لا أسباب ولا شيء الله سيدير الأمر وسيأتي الرزق للعبد بما يشاء الله سبحانه وتعالى.

نبدأ في قصة إبراهيم عليه السلام قوله تعالى:

{ هَلْ أَتَاكَ حَدِيثُ ضَيْفِ إِبْرَاهِيمَ الْمُكْرَمِينَ (24) }

ضيف إبراهيم الملائكة، الملائكة جاءت إلى إبراهيم عليه السلام في صورة بشر جم الملائكة وكانوا جبريل وميكائيل وإسرافيل.

المكرمين تحتل معنيين:

إما مكرمين من الله أو مكرمين من إبراهيم والمعنيين مش متعارضين والمعنيين يكملوا بعض أما من ناحية أنهم مكرمون من الله ومكرمين من إبراهيم عليه السلام؛ لأنه طبعاً في القصة أكرمهم وأحسن ضيافتهم رغم أنه لا يعرفهم لكن هذه عادة إبراهيم عليه السلام.

{ إِذْ دَخَلُوا عَلَيْهِ فَقَالُوا سَلَامًا (٢٥) }

هنا لم يذكر استئذان صح ولم يذكر أنهم خبطوا باب.

قيل لأن إبراهيم عليه السلام من شدة كرمه كان بيته مفتوح دائماً أي ضيف عايز يخش في أي وقت يخش.. وقيل إن إبراهيم عليه السلام يكاد مبياكلش لوحده دائماً ببيحث عن ضيف ليأكل معه؛ لأنه من عادته الكرم كان دائماً له أضياف فده شيء معتاد.

{ فَقَالُوا سَلَامًا قَالَ سَلَامٌ }

خد بالك من التشكيل، قالوا سلاماً صح بالتنوين الفتح، قال سلامٌ إيه الفرق بين سلاماً وسلامٌ؟

قاعدة نحوية:

هنرى إن رد إبراهيم كان أفضل من سلام الملائكة. إيه الفرق بين سلاماً وسلاماً؟

جملة دليل على جملة فعلية وفي فعل محذوف تقديره نسلم عليك سلاماً، فهنا قالوا سلاماً دي ده منصوب إنه مفعول به وفيه تقدير فعل نسلم عليك سلاماً هو لما رد مقلهمش سلاماً أسلم عليكم سلاماً لا، قال سلاماً..

دي جملة اسمية يعني سلامٌ عليكم..

والناس بيقولوا إن دلالة الجملة الاسمية أعلى من دلالة الجملة الفعلية يعني الجملة الاسمية تدل على الثبوت والاستقرار والجملة الفعلية تدل على التجدد.

فكان رد إبراهيم أفضل من تسليم الملائكة {فَقَالُوا سَلَامًا قَالَ سَلَامٌ}

الآداب الد عملها إبراهيم عليه السلام مع الملائكة في الضيافة:

1- بيته مفتوح للناس كلها.

2- مبيسألش حد أنت مين وجاي منين لأ ال عايز فيه يقعد ياكل وهو كمان بيعزم الناس ال بيعدوا.

3- بيتعمد إنه يرد على الضيف أحسن من السلام.

4- {قَالُوا سَلَامًا قَالَ سَلَامٌ فَمَا لَبِثَ أَنْ جَاءَ بِعِجْلٍ حَنِيذٍ} (هود: 69)

أولاً فما لبث، وفي السورة الثانية {فَرَاغَ إِلَى أَهْلِهِ فَجَاءَ بِعِجْلٍ سَمِينٍ} (الذاريات: 26)

يبقى عندنا هنا فما لبث وفراغ ده أدبين من آداب الضيافة:

1- إن الضيافة تبقى عاجلة، يعني لما الضيف يجيلي مش المفروض إن أنا اسيبه يقعد كثير وبعد كده ننزل الضيافة لا الضيافة تنزل على طول تدل على الترحيب به ما يحسش إنه تقيل.

2- فراغ إلى أهله دليل على أنه تحرك في خفية، إن أنا لما بجيب الضيافة للضيف بحرص على المشاعر الضيف هنا لازم إن أنا بتعامل في خفية يعني الضيف ميحسش هو احنا بنعمل إيه "من الآداب أن ما نشعرش الضيف بما يدبر له."

3- الحاجة اللي بعد كده بنلاحظها أنه مسألهمش ياكلوا إيه وده برضو أدب آخر أن احنا (دي آداب يعني لو محدش عملها مش حرام) بس بنقول ده الأفضل أنك متقعدش تسأل الضيف لأن ده محرج.

{فَرَاغَ إِلَى أَهْلِهِ فَجَاءَ بِعِجْلٍ سَمِينٍ} (الذاريات الآية ٢٦)

الأدب ال بعد كده أنه جاء بعجل سمين ده الكرم.

كرم الضيافة إنه مش جيه بس بحاجة عادية ده جاء بعجل سمين حاجة ضخمة جداً وتحطت قدام ثلاثة !!

ممكن الإنسان يتوسع جداً من باب الكرم بس في شرطين:

الشرط الأول: إن ميكونش التوسع ده غرضه المباهاة والمفاخرة.

الشرط الثاني: إن ما إن يكون عندك خطة هتعمل إيه بالأكل ده الـ هيفضل لأن أكيد في أكل هيفضل لازم يبقى عندك خطة هتعمل إيه بالأكل ده بعد ما يفضل!

لكن إنت هترمييه لا يجوز لأن كده هيبقى فعلاً تبذير وإسراف.

{فَقَرَّبَهُ إِلَيْهِمْ قَالَ أَلَا تَأْكُلُونَ}

من الآداب إن بقرب الأكل للضيف كل ما تخلي الضيف بيبذل مجهود أقل للوصول للعزومة كل ما ده بيكون أحسن قربه إليهم.

{فَقَرَّبَهُ إِلَيْهِمْ قَالَ أَلَا تَأْكُلُونَ}

طبعاً في مشكلة هنا إن الملايكة مبتاكلش.

{خِيفَةُ ۞ أَلَا تَأْكُلُونَ (27) فَأَوْجَسَ مِنْهُمْ قَالَ}

لأول مرة إبراهيم عليه السلام يخاف فأوجس منهم خيفة طيب هو قالهم قبل كده سلام قوم منكرون صح؟ هنا منكرون يعني هو مش مستنكرهم يعني هو مش خايف منهم منكرون يعني أنا لا أعرفكم بس اتفضلوا

كده كده أنا مش همنعك عشان أنا مش عارفك ومش خايف منهم؛ لأنهم قالوا سلاماً فاطمئن.. لهم لكن لما حط الأكل ومكلوش

دي رسالة عداوة أي حد بي فهمها كده حطيتك أكل أنت مكلتوش دي بالنسبة لي رسالة مش! تمام مبتاكلش ليه في إيه

أنت جاي في شر ولا إيه؟! فدايماً الضيف الـ مبياكلش يخلي الناس بتدابق مبتاكلش أكلنا ليه أنت شاكر فينا؟

لذلك من الأدب إنه يقبل على الضيافة ده يفرح أنا مش عاملك كل ده عشان تقولي لا لا وتفكر مني الأدب إنك متاكلش لأ العكس الأدب إنك تقبل وتبين احتفاءك بالطعام وحبك له وشكرك لهم وتبقى مبسوط قوي وشاكر لهم وده بيضمنهم أكثر إنك مبسوط وعملوا معك الواجب

{فَأَوْجَسَ مِنْهُمْ خِيفَةُ ۞}

فطبعاً اضطرروا هنا خلاص لازم نصرح بدل سيدنا إبراهيم بدأ يخاف يقلق منهم

{فَأَوْجَسَ مِنْهُمْ خِيفَةً قَالُوا لَا تَخَفْ}

تخيل اللقطة دي أصلاً بتقشعرك لما تحسك لما في اللحظة دي قالوا له الصراحة احنا ملائكة قدامك جبرائيل وميكائيل وإسرافيل!

وإبراهيم عليه السلام استقبل الخبر العالي قوي ده إن اللي قاعد قدامك دول ثلاث ملائكة!

{وَبَشَّرُوهُ بِغُلَامٍ عَلِيمٍ (٢٨)}

الغلام العليم دايماً بيبقى سيدنا **إسحاق** لما يذكر في القرآن مع قصة إبراهيم غلام عليم بيبقى إسحاق لكن **الغلام الحليم** بيبقى **إسماعيل** عليه السلام.

هو هنا قاعد مع سارة في الشام.

القصة أن سارة مكانتش بتنجب في البداية وبعد كده حصل إن سيدنا إبراهيم راح مصر في وقت من الأوقات حصل قصة كده في مصر إن مع سارة إن ملك مصر حاول يعتدي عليها قصة مشهورة يعني وربنا حماها منه فهو أهداها في الآخر هاجر يعني هاجر كانت هدية من ملك مصر لسارة أصلاً، وبعد كده سارة أهدتها لإبراهيم عليه السلام فأنجب منها إبراهيم عليه السلام إسماعيل ومراعاة لمشاعر سارة فرق بينهم ونقل هاجر تماماً إلى مكان آخر هي وولدها وكان فيه وحي أصلاً القصة دي تطيباً لقلب سارة بشأن كان الموضوع هيكون نوعاً ما صعب عليها..

وقعدت سارة عليها السلام مفيش ولد لفترة ما وهاجر معها إسماعيل بعد كده أمر إبراهيم عليه السلام بذبح إسماعيل فراح ينفذ الأمر.

ولادة إسحاق كانت مكافأة لإبراهيم عليه السلام على تسليمه لأمر الله تعالى بذبح إسماعيل !!

طبعاً سارة عجوز عقيم يعني لو شابة مبتنجبش هي مبتنجبش من أيام الشباب هي عقيم أصلاً فعجوز كمان يعني عجوز وعقيم.. اجتمع كل الأسباب ال تقول مستحيل ده في قدرتنا إحنا لكن:

{قَالُوا اتَّعَجِبِينَ مِنْ أَمْرِ اللَّهِ رَحِمْتُ اللَّهُ وَبَرَكَتُهُ عَلَيْكُمْ أَهْلَ الْبَيْتِ إِنَّهُ حَمِيدٌ مَجِيدٌ}

لدرجة إنها لما سمعت الخبر وهي جوة أقبلت هي سماعهم وسامعة إن دول ملائكة ففهمه

{فَأَقْبَلَتْ أَمْرَئُتُهُ فِي صَرَّةٍ}

صرّة يعني صيحة صاحت.

{فَصَكَتْ وَجْهَهَا} ضربت وشها كده.

طبعاً هنا صكت وجهها ده مش الصك المنهي عنه، المرأة من طبيعتها عندها ممكن يبقى لها رد فعل كده عند التعجب وارد يحصل منها إنها تصيح تشهق تخبط على وشها إنما الصك المنهي عند المصائب الـ هو واحدة بتلطم عند المصيبة هو ده الـ محرم لطم الخدود حرام لأنه بيعبر عن الاعتراض على قدر الله تعالى أما التعجب فلا يتنافى مع الرضا أنا راضي بس مستغرب ومتعجب ده أصلاً بيبقى التعجب انبساط وفرح بقدر الله مش عكس اللطم بيعبر عن الاعتراض فجاءت في صيحة وصكت وجهها وذهول وقالت:

{وَقَالَتْ عَجُوزٌ عَقِيمٌ (٢٩) قَالُوا كَذَلِكَ قَالَ رَبُّكَ}

الله أكبر، قَالُوا كَذَلِكَ قَالَ رَبُّكَ.

لو ربنا قال بس قال لك كن فيكون قال بس لك كن مهتدي كن حافظ قرآن كوني

{قَالُوا كَذَلِكَ قَالَ رَبُّكَ إِنَّهُ هُوَ الْحَكِيمُ الْعَلِيمُ (٣٠)}

حكيم ليه تأخر الإنجاب حكيم ليه اتأخر جوازك حكيم عليم ليه اتأخر شغلك حكيم عليم ليه حصلك حكيم عليم قاعدة هيجي في الوقت المناسب.

الموضوع الثاني:

{قَالُوا إِنَّا أَرْسَلْنَا إِلَى قَوْمٍ مُّجْرِمِينَ (٣٢)}

اللي هما قوم لوط.

ولوط عليه السلام هو ابن أخو إبراهيم عليه السلام

ولوط عليه السلام آمن بإبراهيم. {فَأَمَنَ لَهُ لُوطٌ} (العنكبوت ٢٦)

وبعد كده لوط أوتي النبوة وانتقل إلى **قرى سدوم** اللي هو بيحصل فيهم الفاحشة دول انتقل إليهم وبدأ يدعوهم الله سبحانه وتعالى طبعاً كانوا بيعملوا فاحشة الفاحشة.

{أَتَأْتُونَ الذُّكْرَانَ مِنَ الْعُلَمِينَ} (الشعراء ١٦٥)

الـ هي بنسبها دلوقتي الشذوذ الـ هي بيسموها دلوقتي المثلية الـ هو دلوقتي عايزين الناس تتصالح معها وتعترف بها والـ بينزل في القرآن بيلقي إن أقبح كلام بيتقال في المثلية دي.

{قَالُوا إِنَّا أَرْسَلْنَا إِلَى قَوْمٍ مُّجْرِمِينَ (٣٢) لِنُرْسِلَ عَلَيْهِمْ حِجَارَةً مِّن طِينٍ (٣٣) مُّسَوِّمَةً عِنْدَ رَبِّكَ لِلْمُسْرِفِينَ (٣٤)}

مفيش حاجة اسمها تصالح معه مفيش حاجة اسمها اعترفوا بهم مفيش حاجة اسمها ده واقع ما هو عددهم كبير ولازم تعترف بيهم ده كان سيدنا لوط بس في القرية كلها هو الـ مبيعلمش الغلط!!

يبقى واحد قصاص مجتمع وفي نفس الوقت معترفناش بهم هي مش بالكثرة، الصبح صح ولو مع واحد والغلط غلط ولو كل الناس بتعمله.

{مُسَوَّمَةٌ}

مسومة معلمة كل واحد جاي له الحجر بتاعه.

{مُسَوَّمَةٌ عِنْدَ رَبِّكَ لِلْمُسْرِفِينَ (٣٤)}

ربنا رفع قرى قوم لوط على طرف جناح من أجنحة جبريل وقلبها

بعد ما نزلت عليهم حجارة اجتمع عليهم من العذاب ما لا يجتمع على أحد يعني شافوا عذاب محدش شافه في التاريخ عشان عملوا حاجة محصلنش في التاريخ .

{أَتَأْتُونَ الْفَاحِشَةَ مَا سَبَقَكُمْ بِهَا مِنْ أَحَدٍ مِّنَ الْعَالَمِينَ} (الأعراف 80)

كان أحد الصحابة سمع قصة سيدنا لوط قال والله لولا أن الله ذكرها ما ظننت أن رجل يركب رجلاً فما تخيلهاش دي!!

{فَأَخْرَجْنَا مَن كَانَ فِيهَا مِنَ الْمُؤْمِنِينَ (35) فَمَا وَجَدْنَا فِيهَا غَيْرَ بَيْتٍ مِّنَ الْمُسْلِمِينَ (36)}

يعني خرج لوط وخرج بنات لوط خرجوا معه {فَأَسْرَ بِأَهْلِكَ بِقِطْعٍ مِّنَ اللَّيْلِ وَلَا يَلْتَفِتْ مِنْكُمْ أَحَدٌ إِلَّا أَمْرًا تَكُ} (هود ٨١)

مراته خرجت معه في الأول وبعد كده سبحان الله التفتت لما نزل العذاب التفتت وربنا قال اللي هيلتفت مش هيرجع تاني.

{وَلَا يَلْتَفِتْ مِنْكُمْ أَحَدٌ إِلَّا أَمْرًا تَكُ إِنَّهُ مُصِيبُهَا مَا أَصَابَهُمْ إِنَّ مَوْعِدَهُمُ الصُّبْحُ}

كانت امرأة لوط هي أكيد مبتعملش الفاحشة لأن أصلاً الفاحشة بين الرجال فهي مش بتعمل الفاحشة بس راضية بها وبتساعد عليها

كانت تدل الرجال على الرجال قد تدل على أضياف فكانت بتساعد على الفاحشة وراضية بها فاعتبرت مثلهم فمن رضي بالمثلية فهو نفس الاسم حتى لو هو مش مثلي!!

{فَمَا وَجَدْنَا فِيهَا غَيْرَ بَيْتٍ مِّنَ الْمُسْلِمِينَ (36)}

ليه قال المؤمنين ومسلمين؟

يعني في اجتهاد من بعض المفسرين:

{فَأَخْرَجْنَا مَنْ كَانَ فِيهَا مِنَ الْمُؤْمِنِينَ (35)}

إن الـ خرج فعلاً هم المؤمنين "لوط عليه السلام وبناته" ودول المؤمنين بجد المؤمن في قلبه فعلاً لكن لما ربنا وصف:

{فَمَا وَجَدْنَا فِيهَا غَيْرَ بَيْتٍ مِنَ الْمُسْلِمِينَ (36)}

هو البيت ده فيه لوط وبناته ومراته، مراته في الظاهر مبتعلمش حاجة لكن في الباطن راضية بالمنكر في الباطن كافرة بالله سبحانه وتعالى فلما كان ظاهرها شكله كويس لكن باطنها مش كويس ربنا وصف البيت أنه بيت مسلمين؛ لأن الإسلام شيء ظاهر لكن الإيمان شيء باطن فلما وصف البيت لأن البيت كان فيه امرأة لوط

{وَفِي مُوسَى إِذْ أَرْسَلْنَاهُ إِلَىٰ فِرْعَوْنَ بِسُلْطَنٍ مُّبِينٍ (38)}

السلطان الحجج

سيدنا موسى جاب حجج كثير جداً جاء بالعصا واليد والطوفان والجراد والقمل والضفادع والدم والسنين ونقص من الثمرات.

{وَلَقَدْ ءَاتَيْنَا مُوسَىٰ تِسْعَ ءَايَاتٍ بَيِّنَاتٍ}

تسع آيات بينات ده السلطان المبين

قبل السلطان أيضاً إقامة الحجة عليه بالدليل العقلي وبالأدلة الـ جيه بها موسى غير المعجزات الأدلة والمجادلة الـ كان موسى بيقدم الحجة قال: {قَالَ فِرْعَوْنُ وَمَا رَبُّ الْعَالَمِينَ * قَالَ رَبُّ السَّمَوَاتِ وَالْأَرْضِ وَمَا بَيْنَهُمَا إِنَّ كُنْتُمْ مُوقِنِينَ * قَالَ لِمَنْ حَوْلَهُ أَلَا تَسْتَمِعُونَ * قَالَ رَبُّكُمْ وَرَبُّ آبَائِكُمُ الْأَوَّلِينَ * قَالَ إِنَّ رَسُولَكُمْ الَّذِي أُرْسِلَ إِلَيْكُمْ لَمَجْنُونٌ}

{تَوَلَّىٰ بَرْكَنِهِ وَقَالَ سَاحِرٌ أَوْ مَجْنُونٌ}

تولى بركنه تحتل معنيين:

المعنى الأول: تولى بركنه يعني **أعرض**

المعنى الثاني: تولى بركنه هنا الركن يعني **القوة والشدة** لقول لوط عليه السلام قال: {لَوْ أَنَّ لِي بِكُمْ قُوَّةً أَوْ آوِي إِلَىٰ رُكْنٍ شَدِيدٍ} (هود ٨٠)

فالركن يأتي بمعنى القوة والسند

فالمعنى الثاني فتولى بركنه يعني تولى إلى جنوده وقوته واعتمد على عتاده واعتمد على سلطانه وقوته ولا هينفعه بحاجة

والمعنيين مفيش تعارض لأنه تولى بركنه هو أعرض عن موسى وتولى بركنه يعني تولى واتكل على قوته وجنوده وسلطانه خلاف تنوع

{فَأَخَذْنَاهُ وَجُنُودَهُ فَنَبَذْنَاهُمْ فِي الْيَمِّ وَهُوَ مُلِيمٌ (40)}.

قوله تعالى وهو ملِيم مش معنى كده إن هو بس الملِيم لاء هو وجنوده بس هو ملِيم يعني اللوم الأكبر عليه لأنه القائد.

{وَفِي عَادٍ إِذْ أَرْسَلْنَا عَلَيْهِمُ الرِّيحَ الْعَقِيمَ}.

قالوا الريح العقيم التي لا تأتي بمطر ولا تحمل حبوب اللقاح

{الرِّيحَ الْعَقِيمَ (41) مَا تَذَرُ مِنْ شَيْءٍ أَنْتَ عَلَيْهِ إِلَّا جَعَلْنَاهُ كَالرَّمِيمِ}

هلكوا قوم عاد هلكوا تماماً لم يبق منهم.

{سَخَّرَهَا عَلَيْهِمْ سَبْعَ لَيَالٍ وَثَمَنِيَةَ أَيَّامٍ حُسُومًا فَتَرَى الْقَوْمَ فِيهَا صَرْعَى كَأَنَّهُمْ أُعِجَازٌ خَاوِيَةٌ فَهَلْ تَرَى لَهُمْ مِنْ بَاقِيَةٍ}

أعجاز نخلة كانه نخلة بس مخوخة من جوة خاوية نشفوا أنت متخيل واحد أعد أنت عارف لما تحط النبات كده تعدي عليه ريح باردة يدبل من جوة تخيل سبع أيام تعدي عليه هيبقى منظر بس امسكه كده مفيش هو بقت أجسامهم عاملة كده منظر حط ايدك فيه يتعرفت من كتر ما اتسلطت عليه ريح باردة.

{وَفِي ثَمُودَ إِذْ قِيلَ لَهُمْ تَمَتَّعُوا حَتَّىٰ حِينٍ}

لأن هم قال لما ذبحوا الناقة قالهم تقعد في ثلاثة أيام

{ذَلِكَ وَعَدٌ غَيْرُ مَكْدُوبٍ} {إِذْ قِيلَ لَهُمْ تَمَتَّعُوا حَتَّىٰ حِينٍ}

يعني ايه قدامكم ثلاث أيام يوم صبيحة اليوم الرابع هينزل العذاب

{فَعَتَوْا عَنْ أَمْرِ رَبِّهِمْ فَأَخَذَتْهُمُ الصَّعِقَةُ وَهُمْ يَنْظُرُونَ}

وهم ينظرون إما معناها النظر أو الإنتظار والإثنين مفيش تعارض

اقتراحات:

يمكن تقرأ التفسير الميسر على هامش المصحف أو تقرأ المختصر في التفسير الاتنين دول نفس المستوى

المستوى اللي بعد كده كتاب أيسر التفاسير للشيخ أبو بكر الجزائري

المستوى اللي بعد كده كتاب اسمه المصباح المنير مختصر تفسير ابن كثير

بعد شرحي لو انت فهمت شرحي ممكن تقرأ المصباح المنير أصلاً

سبحانك اللهم ربنا وبحمدك أشهد أن لا إله إلا أنت أستغفرك وأتوب إليك سلام عليكم.